



Bosna i Hercegovina

Mlijecna Industrija



VANJSKOTRGOVINSKA KOMORA BOSNE I HERCEGOVINE



Bosna i Hercegovina

Mlijecna
Industrija





Mliječna Industrija

Bosna i Hercegovina

SADRŽAJ

Opće informacije o Bosni i Hercegovini	6
Vanjskotrgovinska komora Bosne i Hercegovine	8
Generalne prednosti poljoprivrednog sektora	10
Industrija mlijeka u BiH	12
Proizvodnja mliječnih proizvoda u BiH	14
Autohtoni mliječni proizvodi Bosne i Hercegovine	14
Vanjskotrgovinska razmjena	16

MLJEKARE

Eko Sir Puđa d.o.o.	18
Kupres-Milch d.o.o.	20
MEGGLE BiH	22
Milkos d.o.o.	24
Mliječna industrija 99 d.o.o.	26
Mlijekoprodukt d.o.o.	28
Mljekara Livno d.o.o.	30
Mljekara Pađeni d.o.o.	32
Mljekara Smajić d.o.o.	34
Poljorad d.o.o.	36





Opće informacije o Bosni i Hercegovini

Službeni naziv:

Bosna i Hercegovina (BiH)

Zastava:



Geografska lokacija:

Bosna i Hercegovina se nalazi na zapadnom dijelu Balkanskog poluotoka.

Pogranične zemlje:

Republika Srbija na sjeveroistoku, Republika Crna Gora na jugoistoku, Republika Hrvatska na sjeveru, zapadu i jugu.

Administrativna podjela:

BiH je administrativno podjeljena na dva entiteta: Federacija Bosne i Hercegovine (F BiH) i Republika Srpska (RS) i Brčko Distrikt.

Entitetska struktura:

FBiH je administrativno podjeljena na 10 kantona.
Kantoni su podjeljeni na općine. Na području F BiH je 79 općina.
Republika Srpska je administrativno podjeljena na 62 općine.
Grad Brčko je zasebna administrativna jedinica - Distrikt.

Površina:

Bosna i Hercegovina ukupno pokriva 51 209,2 km².
Od toga: kopno 51 197 km² i more 12,2 km².

Klima:

Pretežno kontinentalna, mediteranska na jugu

Broj stanovnika:

3.531.159 - Popis (30.09.2013. godine)

Struktura stanovnika:

Bošnjaci, Hrvati, Srbi i pripadnici ostalih naroda

Glavni grad:

Sarajevo

Službeni jezici:

Bosanski, hrvatski, srpski i dva pisma (latinica i cirilica)

Zvanična valuta:

Konvertibilna marka (KM) (1 KM = 0,511292 Euro)





Vanjskotrgovinska komora Bosne i Hercegovine

1909. - Osnivanje Trgovinsko-obrtničke komore u Sarajevu

Komora je formirana Zakonom o osnivanju i organizaciji Trgovačko-obrtničke komore za BiH (TOK) u Sarajevu.

1932. - Osnivanje Trgovinsko-industrijske i Zanatske komore u Sarajevu i Banja Luci

Uredbom o trgovinsko-industrijskim komorama 1932. godine osnivaju se Trgovinsko-industrijska i Zanatska komora u Sarajevu i Banja Luci.

1952. - Osnivanje Trgovinske komore BiH i Ugostiteljske komore BiH

1952. osniva se Trgovinska komora Bosne i Hercegovine te Ugostiteljska komora BiH. U martu 1954. godine Skupština NRBiH osniva Poljoprivrednu, kasnije Poljoprivredno-šumarsku komoru BiH u Sarajevu.

1962. - Formiranje Republičke privredne komore Bosne i Hercegovine

U maju 1962. godine formira se Republička privredna komora Bosne i Hercegovine i to spajanjem pet komora: Trgovinske komore BiH; Ugostiteljske komore BiH; Zanatske komore BiH, Poljoprivredno-šumarske komore BiH; Komore za industriju i rudarstvo, građevinarstvo i saobraćaj BiH i Zadružnog saveza BiH.

1972. - Formiranje Privredne komore Bosne i Hercegovine

Privredna komora Bosne i Hercegovine i sedam osnovnih privrednih komora osnovane su Zakonom o privrednim komorama („Službeni glasnik SRBiH“ br. 16/72 od 20. juna 1972.), kojim je Privredna komora BiH pravni sljednik Republičke privredne komore. Zakonom o udruživanju u privredne komore („Službeni glasnik SR BiH“ br. 35/77, 17/80 i 32/85) potvrđeno je postojanje Privredne komore BiH. Zakonom o privrednim komorama („Službeni list SR BiH“ broj: 33/90), posljednji put je harmonizirana struktura Komore.

2002. - Osnivanje Vanjskotrgovinske / Spoljnotrgovinske komore BiH

Zakonom o Vanjskotrgovinskoj komori Bosne i Hercegovine ("Službeni glasnik BiH" broj: 30/01), osniva se Vanjskotrgovinska komora Bosne i Hercegovine, i utvrđuje se kao pravni sljednik Privredne komore BiH. VTK je u skladu sa ovim Zakonom otpočela sa radom 01.07.2002. godine. Osnov formiranja, ciljevi i zadaci Komore, od njenog osnutka davne 1909. godine pa sve do danas, nisu se puno promijenili.

Vanjskotrgovinska / Spoljnotrgovinska komora BiH je moderna, profesionalna institucija koja zastupa i promoviše privredne interese u zemlji i inostranstvu. Komora predstavlja pouzdan izvor informacija, gdje se na jednom mjestu, kako domaćim tako i inostranim partnerima, pruža veliki broj usluga (poslovne i tržišne informacije, informacije o propisima i zakonima, savjetodavne usluge, promotivne aktivnosti, baze podataka itd).

Vanjskotrgovinska / Spoljnotrgovinska komora BiH je članica mnogobrojnih međunarodnih asocijacija (Eurochambers, International Chamber of Commerce-ICC, ABC, FIATA, IRU, SECI) što joj omogućava da uspješno učestvuje u raznovrsnim projektima u cilju jačanja i unapređenja regionalne i međunarodne poslovne saradnje.

2018. - Predstavništvo Vanjskotrgovinske komore BiH u Istanbulu

U aprilu 2018. godine u Istanbulu je osnovano Predstavništvo Vanjskotrgovinske komore BiH. Predstavništvo ima zadatak da putem direktnih kontakata, kao i organiziranjem sastanaka, prezentacija, okruglih stolova i tome slično, na najbolji mogući način promoviše potencijale Bosne i Hercegovine i privuče veći broj investitora iz Republike Turske.



Generalne prednosti poljoprivrednog sektora

Privredni i društveno-ekonomski uslovi brdsko-planinskog područja koje predstavlja značajan dio Bosne i Hercegovine, daju stočarstvu karakter vodeće grane u poljoprivredi. Mlijeko i mlječni proizvodi učestvuju dobrim dijelom u vrijednosti stočarske proizvodnje.

Bosna i Hercegovina posjeduje veliki potencijal u poljoprivredi i u sektoru prerade hrane zbog brojnih pogodnih uvjeta kao što su:

- Preko 1,5 miliona hektara poljoprivrednog zemljišta,
- Odlični klimatski uvjeti kao i plodno tlo, te visoko kvalitetna voda,
- Većina tla u sebi ne sadržava hemijska gnojiva i nema praksu upotrebe pesticida.

Osim toga, BiH ima dugu tradiciju u ovom sektoru, kao i iskusnu i vještu radnu snagu. Svi ovi uslovi stvaraju sjajno okruženje za intenzivan uzgoj stoke i razvoj stočarstva kao poljoprivredne grane, koja je i tradicionalno dugo prisutna u BiH.

Organska hrana

Bosna i Hercegovina ima velike površine ekološke, nezagadjene i obradive zemlje, čistih izvora vode i čistog zraka što predstavlja optimalne uvjete za intenzivnu organsku proizvodnju kako biljnih tako i životinjskih kultura.

Dodatne prednosti su relativno niski troškovi radne snage i rijetka upotreba mineralnih gnojiva te hemikalija za zaštitu biljaka u BiH u zadnjih 10 godina. Svijest o zdravlju i tjelesnom izgledu dovela je do konstantnog rasta potražnje za tzv. „laganim”, „zdravim”, „funkcionalnim” i organskim prehrabbenim proizvodima, što uz blizinu najvećih svjetskih tržišta čini ovaj ekonomski sektor izuzetno privlačnim za ulaganja.



Istovremeno, trajno smanjenje broja površina za uzgoj organske hrane u Evropi čini BiH vodećim potencijalnim proizvođačem organske hrane na ovom kontinentu. U posljednje vrijeme sve se više govori o organskom uzgoju stoke kao i organskim namirnicama životinjskog porijekla. Bosna i Hercegovina ima idealne preduvjete za organski uzgoj stoke kao i proizvodnju organske hrane uopće.

Pogodni klimatski uvjeti

Na jugu zemlje preovladava blaga submediteranska klima, koju karakteriziraju duga topla ljeta te blage zime. Više od 200 sunčanih dana i u prosjeku 1400 l/m² padavina godišnje omogućava uzgoj skoro svih poljoprivrednih kultura.

U centralnom dijelu BiH vlada planinsko-kontinentalna klima. Veliki planinski

pašnjaci koji su bogati vodom omogućavaju intenzivan i obiman uzgoj stoke. Ovi predjeli isto tako sa svojim klimatskim pogodnostima i osobinama pružaju idealne uvjete za organski uzgoj stoke. Na sjeveru zemlje je tipična kontinentalna klima. Zbog raznolike klime i topografije zemlje, postoje veoma povoljni uvjeti za uzgoj razne stoke kao i hrane životinjskog porijekla.





Industrija mlijeka u BiH

Proizvodnja svježeg sirovog mlijeka u Bosni i Hercegovini jedna je od najvažnijih poljoprivrednih grana koja sa potencijalima sa kojima raspolaže može da bude stabilna okosnica poljoprivrednog i ruralnog razvoja. Oslonjena je na uzgoj stoke, ovaca i koza a značaj mljekarskog sektora ogleda se u tome što je mljekarstvo:

- među sektorima sa najvećom vrijednošću primarne proizvodnje od 152,3 miliona EUR godišnje,
- sektor koji obuhvata oko 13.000 proizvođača i time značajno doprinosi ruralnom razvoju,
- sektor koji je izuzetno važan za prehrambenu sigurnost zemlje,
- sektor koji je jedan od najzahtijevnijih po standardima koje treba ispuniti prilikom pristupanja EU,
- sektor u kome BiH ima značajne potencijale za dalji razvoj.

Pozitivna kretanja za proizvođače mlijeka i mliječnih proizvoda počinju da se ostvaruju početkom 2016. godine kada je povrđena ispunjenost uslova za nastavak izvoza mlijeka i mliječnih prerađevina na evropsko tržište. Još jedan pozitivni pomak

postignut je u 2018. godini kada je Evropska komisija objavila odluku kojom je Bosnu i Hercegovinu stavila na listu A i B zemalja, kojima je dozvoljen izvoz svih vrsta mlijeka i mliječnih proizvoda u EU. Zahvaljujući dobijanju dozvole došlo je do stabilisanja količine proizvedenog sirovog mlijeka, rasta tržišnosti pri otkupu svježeg sirovog mlijeka, rasta količine proizvedenih mliječnih proizvoda, kao i rasta izvoza mlijeka i mliječnih proizvoda.

Na teritoriji Bosne i Hercegovine trenutno radi preko 30 mljekara, dok je broj mljekara koje su ispunile sve uslove za izvoz proizvoda van BiH 11. Pored registriranih mljekara, posluje i jedan broj malih porodičnih mljekara, ali one su isključivo usmjerene na neposredno lokalno tržište. U strukturi prerade mlijeka u bosanskohercegovačkim mljekarama konzumno mlijeko učestvuje sa 61%, fermentisani proizvodi sa 22,9%, pavlaka sa 9%, sir sa 6,4%, a maslac i ostali žutomasni proizvodi sa manje od 1%. Struktura u oblasti prerade mlijeka nije se značajno mijenjala još od 2002. godine, gdje preovladavaju tečni proizvodi, od kojih najviše dominira UHT sterilno mlijeko.







Proizvodnja mliječnih proizvoda u BiH

Dobijanjem dozvole za izvoz mlijeka i mliječnih proizvoda na tržište EU 2016. godine, u sektoru mlijeka i mliječnih proizvoda došlo je do porasta u proizvodnji u skoro svim kategorijama. Iako je primarna proizvodnja svježeg sirovog mlijeka u posljednje četiri godine bilježila kontinuirano smanjenje i to sa 701 milion litara, koliko je iznosila 2016. godine, na 643 miliona litara u 2019., što je 58 miliona ili 8% manje, otkup sirovog mlijeka je bilježio konstantan rast u istom periodu sa 243 hiljade tona koliko je iznosio otkup mlijeka 2016. godine, na 261 hiljadu tona u 2019. godini što je za 7% više. Veća količina otkupljenog sirovog mlijeka uticala je i na povećanje proizvodnje mliječnih proizvoda i to:

- konzumnog mlijeka sa 125.462 tone, koliko je proizvedeno 2016. godine u 2019. dostigla 151.283 tone što je za 25.821 tonu ili 21% više. Ostvarena proizvodnja konzumnog mlijeka u 2019. godini je bila za 7% veća u poređenju sa proizvodnjom iz prethodne godine,
- fermentisanih mliječnih proizvoda je takođe zabilježila rast iz godine u godinu te je sa 40.078 tona koliko je iznosila 2016. godine dostigla 57.031 tonu u 2019. Proizvodnja ove vrste proizvoda je u 2019. godini bila veća za 5% u poređenju sa prethodnom godinom,

- maslaca i ostalih žuto-masnih proizvoda koja je u 2019. godini je iznosila 1.603 tone i veća je za 12% u poređenju sa prethodnom godinom, odnosno za 123% u poređenju sa proizvodnjom iz 2016.,
- sira, proizvodnja ovog visoko vrijednog proizvoda bilježi pozitivna kretanja obzirom da je sa 13.027 tona, koliko je iznosila proizvodnja 2016. godine, u naredne dvije godine premašila količinu od 15 hiljada tona. Ostvarena proizvodnja sira od 15.986 tona koliko je iznosila 2019. godine veća za 4% u poređenju sa prethodnom godinom. Ohrabruje činjenica da je primijećen značajan pozitivan pomak u strukturi proizvodnje sira prema proizvodnji sireva s dužim vijekom trajanja, naročito tvrdim, polutvrdim i kriška srevima,
- pavlaka je rangirana na treće mjesto po proizvodnji i karakteriše je manje više stabilna proizvodnja nešto veća od 22 hiljade tona. Proizvodnja pavlake je u posmatranom periodu bilježila blag pad sa 23.891 tonu koliko je iznosila 2016. godine, na 22 hiljade tona u 2019.

Autohtoni mliječni proizvodi Bosne i Hercegovine

Zahvaljujući jedinstvenoj klimi i svom specifičnom podneblju, Bosna i Hercegovina se može pohvaliti nečim što mnogo veće zemlje nemaju – prelijepim srevima. Čiste rijeke i potoci, biserna planinska jezera i ogromne površine za ispašu oduvijek su pogodovale razvoju stočarstva, pa je i

proizvodnja sira ovdje prisutna od davnina. Svi srevi autohtoni za neko područje predstavljaju blago zemlje iz koje potječu, označavajući njenu tradiciju i kulturnu baštinu. Oni čine važno obilježje nekog naroda i zemlje i pokazatelj su opće i tehničke kulture.

Potrošači su danas svjesni značaja ishrane i njenog učinka na zdravlje i kvalitet života. Stvara se potreba za širom lepezom kvalitetnih prehrambenih proizvoda, među kojima sir igra važnu ulogu. U odnosu na mlijeko, on sadrži veću količinu proteina i masti, a posebno je značajan po visokom sadržaju kalcija. Pored kvantitativnih promjena na komponentama mlijeka, u siru se tokom zrenja dešavaju i složeni biohemski procesi pri kojima se pojedini sastojci znatno mijenjaju i razlažu na prostije komponente, što omogućava lakše varenje i bolju apsorpciju u ljudskom organizmu. Stoga, danas sir predstavlja važnu namirnicu u ishrani ljudi, ali sve više ima i širi značaj predstavljajući kulturno i tradicionalno ogledalo neke zemlje.

Proizvodnja autohtonih mliječnih proizvoda u Bosni i Hercegovini sačuvana je stoljećima, uprkos brojnim ratovima, raseljavanju i učestalim migracijama stanovništva u gradove. Ovi proizvodi odlikuju se velikom raznolikošću. U BiH se danas proizvodi niz autohtonih sireva kao što su: Livanjski sir, Vlašićki sir, Mješinski sir, Masni sir, Vareni sir, Kalenderovački sir, Posni sir ili Torotan, Svježi kiseli sir, Sušeni kiseli sir, Tvrdi koziji sir iz ulja, Bijeli koziji sir, Zajednica, Urda ili Hurda, Zarice itd.






Vanjskotrgovinska razmjena

Početkom 2016. godine je povrđena ispunjenost uslova za nastavak izvoza mlijeka i mliječnih prerađevina na evropsko tržište, a nove mljekare stavljene na listu izvoznika na evropsko tržište, čime je ostvaren najznačajniji napredak u poljoprivrednom sektoru u Bosni i Hercegovini u poslednjih nekoliko godina.

Ukupna spoljnotrgovinska razmjena mlijeka i mliječnih proizvoda u 2019. godini iznosila je 146,9 miliona EUR, od čega je udio uvoza u ukupnom prometu iznosio 63%, a udio izvoza oko 37%. Uvoz mlijeka i mliječnih proizvoda u 2019. godini zabilježio je rast od 17%, dok je izvoz zabilježio znatno viši rast i to za 20% u poređenju sa prethodnom godinom.

U periodu od 2016. godine naovamo izvoz se povećao sa 34,5 miliona EUR koliko je iznosio 2016. godine na 54,8 miliona EUR u 2019., što je za 58% više. Izvoz mlijeka i mliječnih proizvoda od 54,8 miliona EUR najveća je do sada zabilježena vrijednost kada je riječ o plasmanu ove vrste proizvoda na inostrano tržište.

Najznačajniji trgovinski partneri Bosne i Hercegovine u spoljnotrgovinskoj razmjeni mlijeka i mliječnih proizvoda su Evropska unija i CEFTA. Oko 87% mlijeka i mliječnih proizvoda iz Bosne i Hercegovine se plasira u CEFTA-u i oko 12% na tržište Evropske unije (Hrvatska i dalje predstavlja jednu od najznačajnijih zemalja u EU za izvoz oko 95%



proizvoda namijenjenih EU). Vodeća tržišta za izvoz u 2019. godini su Crna Gora i Srbija.

Kada je riječ o strukturi izvoza, najveće učešće imaju mlijeko i pavlaka od 69% u smislu vrijednosti i 81% u smislu količine. Izvoz mlijeka i mliječnih proizvoda u posmatranom periodu od četiri godine bilježi pozitivna kretanja. Proizvodi koji su uticali na veći ukupan izvoz u ovom periodu su:

- Fermentisani mliječni proizvodi čija je vrijednost izvoza od 3,1 miliona EUR i količinom od 4 miliona kg, koliko je iznosila 2016. godine, dostigla vrijednost izvoza od 17,4 miliona EUR i količinu od 25 miliona kg u 2019. godini,

- Mlijeko i pavlaka, obzirom da je izvezena količina sa 48 miliona kg i vrijednosti izvoza od 25,1 miliona EUR, koliko je zabilježen izvoz 2016. godine, u 2019. dostigao 63 miliona kg i vrijednost od 34,3 miliona EUR,
- Sir i skuta sa količine od 0,6 miliona kg i vrijednosti izvoza od 2,6 miliona EUR koliko je iznosio izvoz 2016. godine na 0,8 miliona kg i vrijednost izvoza od 3,6 miliona EUR u 2019. godini.

Posmatrajući strukturu uvoza mlijeka i mliječnih proizvoda u smislu vrijednosti najveće učešće od oko 50% ima sir i skuta, dok količinski dominira mlijeko i pavlaka sa učešćem od 41%.



Puda

EKO SIR PUĐA d.o.o. Livno

Certifikati:

ISO, HACCP, HALAL

Kontakt podaci
kompanije (osoba):
Tomislav Puđa

Telefon:

+387 34 245 744

Adresa:

Golinjevo bb., 80101 Livno


E-Mail:

mljekara.puda@tel.net.ba

Web:

www.livanjskisir.com

Proizvodi



Livanjski sir



Livanjac



Paški sir



Trapist



Kozji sirevi



Ovčiji sirevi



Dalmatinski sir



Sir Sv. Roko

O KOMPANIJI

Kompanija "EKO SIR PUĐA" utemeljena je 2001. godine baštineći obiteljsku tradiciju proizvodnje livanjskog sira od planinskog mlijeka. Sjedište tvrtke se nalazi u tradicionalnom stočarskom kraju Bosne i Hercegovine u selu Miši/Golinjevo na magistralnom putu Livno-Mostar ispod obronaka planine Tušnica uz obalu Buškog jezera. Kompanija posjeduje i dvije sirane u Republici Hrvatskoj, jednu u Čaporicama pored Trilja gdje se proizvode tvrdi sirevi i siranu "Pag-Puđa" na otoku Pagu, gdje se sezonski proizvodi isključivo tradicionalni Paški sir. U našoj obitelji se već treću generaciju bavimo proizvodnjom sira. U početku se sir proizvodio u pomoćnim objektima obiteljske kuće i uglavnom od vlastite sirovine. Sireve smo proizvodili za vlastite potrebe, a višak smo prodavali na lokalnom tržištu i u Dalmaciji.

Godina osnivanja:

2001.

Broj zaposlenih:

40

Izvoz:

EU, Srbija, Crna Gora



Rastom potražnje za našim srevima odlučili smo se za organizaciju otkupa mlijeka od lokalnih proizvođača i izgradnju moderne mljekare u kojoj smo mogli prerađivati veće količine mlijeka. Korištenje samo neobranog mlijeka našim proizvodima osigurava prepoznatljivu kvalitetu.

U našoj paleti proizvoda danas imamo poznate sreve kao što su Livanjski i Paški sir, ali i druge vrste tvrdih i polutvrdih sreva kao što su Livanjac, Trapist, kozji i ovčiji srevi, Dalmatinski i Sv. Roko, te svježe i meke sreve od kravlje i kozijeg mlijeka.





Kupres-Milch d.o.o.

Kupres

Certifikati:

HACCP

Kontakt podaci
kompanije (osoba):

Smail Žilić

Telefon:

+387 61 299 141


Adresa:

Put Ijekovitog bilja bb., 80320 Kupres

E-Mail:

bhmilch@yahoo.com

Proizvodi



Klasik sir



Dimljeni sir



Sir sa
zelenim
začinima



Sir od
kravljeg
mlijeka



Sir sa
crvenim
začinima



Kozji sir
(mješavina kozijeg i kravljeg
mlijeka)

O KOMPANIJI

Mljekara KUPRES-MILCH d.o.o. osnovana je u septembru 2014. godine na Kupresu, te proizvodi vrhunske delikatesne sireve koji su očarali potrošače u Bosni i Hercegovini i regiji. Danas je ova mala mljekara uspješna na bh. tržištu gdje se njeni proizvodi mogu naći u svim značajnijim trgovinskim lancima i restoranima, a svoje proizvode izvozi i u Tursku. Planinska klima, pašnjaci na Kupresu na nadmorskoj visini od 1.200 metara, kao i fantastična biološka raznolikost nude jedinstveni ukus kupreškog sira.



Godina osnivanja:
2015.

Broj zaposlenih:

7

Izvoz:

Turska, zemlje CEFTA-e

Godišnja proizvodnja je relativno mala, oko 23 tone ukusnog sira. Međutim, kompanija je uložila značajna sredstva i zabilježila rast prodaje, što joj je omogućilo da planira udvostručiti proizvodnju tokom sljedeće godine. Odlična kvaliteta sira je potvrđena na brojnim sajmovima u Bosni i Hercegovini i Srbiji, uključujući zlatne medalje za kvalitet osvojene u Beogradu ("Balkan Cheese Fest", "Ukus Fest") i Novom Sadu ("Novosadski sajam"). Kompanija je uvela HACCP sistem, posjeduje izvoznu dozvolu za Tursku i planira dobiti izvoznu dozvolu na tržište EU.





MEGGLE BiH

Posušje

Certifikati:

ISO, HACCP, HALAL, IFS

Kontakt podaci
kompanije (osoba):

Jadranka Penava, Marija Kolobarić,
Silvija Slišković

Telefon:

+387 39 685 271, +387 63 362 211

Adresa:

Rastovača polje 39, 88240 Posušje


E-mail:

marija.kolobaric@meggle.ba
silvija.sliskovic@meggle.ba
kristina.galic@meggle.com

Web:

www.meggle.ba

Proizvodi



**UHT Milk coffee
Barista**



UHT Mlijeko Milky Max



UHT Mlijeko



**UHT Mlijeko bez
laktoze**



Vrhniye za kuhanje



Čokoladno mlijeko



Vajkrem



Buttercream

O KOMPANIJI

U BiH Meggle započinje s radom 1998. godinom, a u Njemačkoj, točnije u Bavarskoj nedaleko od Münchena, još daleke 1889. kada je Josef Anton Meggle, djed današnjeg vlasnika Tonija Megglea, osnovao malu siranu. Od 1996. Meggle ulazi na BiH tržište putem distributera, dok se dvije godine nakon osniva i Meggle BiH koje koristi uslužne djelatnosti mljekare Sapit u Posušju. Na samim počecima, Meggle je bio poznat po ekstra kvalitetnom maslacu, dok se liderска pozicija kristalizira nakon pokretanja vlastite mljekare i domaće proizvodnje u Bihaću 2002. godine.

Danas se proizvodnja u Bihaću odvija na lokaciji ukupne površine od preko 25.000 m² u okviru kojeg se nalazi preko 4.000 m² proizvodnog i skladišnog prostora sa odgovarajućom opremom i postrojenjima za preradu mlijeka, proizvodnju i kontrolu mliječnih proizvoda, te njihovo uredno skladištenje i distribuiranje na tržište. Zahvaljujući kapacitetima mljekare i manjim udjelom uvoznom assortimanu iz tvrtki sestara diljem Europe, Meggle uspješno zadržava lepezu od preko 150 različitih

Godina osnivanja:

1998.

Broj zaposlenih:

212

Izvoz:

Hrvatska, Slovenija, Srbija, Crna Gora, Makedonija, Albanija, Kosovo



proizvoda. Najpoznatiji od domaćeg assortimana su svakako mlijeko, jogurt, kisela pavlaka, kefir, kajmak, vajkrem i vrhnje za kuhanje. Kvalitetu domaćih proizvoda prepoznale su i zemlje iz regije, pa Meggle BiH danas izvozi na tržišta Albanije, Kosova, Srbije, Crne Gore, Makedonije, a od 2015. godine i na tržišta zemalja Europske unije, a prije svega Hrvatske.

MEGGLE BiH konstantno ulaže i investira u proširenje svojih proizvodnih i logističkih kapaciteta, zatim investira i uvodi nove tehnologije, ulaže u osposobljavanje i usavršavanje svojih kadrova, te značajno pomaže poljoprivrednim proizvođačima u njihovom nastojanju da značajno poboljšaju i povećaju svoju proizvodnju u cilju podizanja nivoa njihove konkurentnosti. Danas MEGGLE BiH zapošljava 212 radnika i surađuje sa oko 1.800 farmera čije su farme rasprostranjene po cijeloj teritoriji Bosne i Hercegovine i od kojih na godišnjem nivou otkupi oko 50 miliona litara svježeg kravljeg mlijeka. Godišnji kapacitet prerade mlijeka je oko 130 miliona litara.



Milkos d.o.o.

Hadžići

Certifikati:

HALAL, FSSC 22000

Kontakt podaci
kompanije (osoba):

Sanin Fakić

Telefon:

+387 33 763 775

Adresa:

Boce 15, 71240 Hadžići


E-Mail:

sanin.fakic@milkos.ba

Web:

www.milkos.ba

Proizvodi



Ajran



Bijeli meki sir



Krema za
kuhanje



Maslac



Sirni namazi



Punomasni
bijeli sir Farma



Feta sir

O KOMPANIJI:

Sarajevska mlijekara Milkos osnovana je 1953. godine. Primjenjujući vrhunsko znanje i iskustvo sa vrhunskom modernom tehnologijom, mlijekara proizvodi jedinstvene proizvode, a njena misija je odgovorno korištenje svih resursa, sprovođenje procedura koji će imati minimalan utjecaj na okoliš, kao i stalno usklađivanje svih njenih operacija s nacionalnim procedurama o zaštiti okoliša. Mjekara posjeduje izvozne dozvole za EU, CEFTA i Tursku te za cilj ima da ojača svoje prisustvo na postojećim tržištima i uđe na nova izvozna tržišta. Primjenom normi FSSC-a



Godina osnivanja:

1953.

Broj zaposlenih:

140

Izvoz:

**Zemlje CEFTA-e,
EU, zemlje
Golfskog zaliva**

22000 firma nastoji poboljšati i modernizirati sistem upravljanja hranom.

Od proizvoda koje treba izdvojiti, značajni su: fermentirani mliječni proizvodi (jogurt, kefir, ajran, kajmak, sir, bijeli sir tipa „Feta“, svježi sir, krem sir), dugotrajno mlijeko, vrhnje za kuhanje i šlag. Proizvodi kompanije mogu se naći na tržištima svih zemalja CEFTA-e gdje kompanija želi ojačati svoju poziciju. U budućnosti kompanija nastoji ući na nova tržišta.





Mliječna industrija 99 d.o.o.

Certifikati:

HALAL, IFS FOOD VERSION 6.1, HACCP, ISO 9001:2015, dozvola za izvoz u EU od 2015, dozvola za izvoz na Bliski Istok

Grad:

Gradačac

Kontakt podaci kompanije (osoba):

Indira Omeragić

Telefon:

+387 61 189 108

Adresa:

Sarajevska bb, 76 250, Gradačac

E-Mail:

indira.omeragic@mi99.ba

Web:

www.mi99.ba

Proizvodi



**UHT
Mlijeko**



**Mliječni
namazi**



Jogurt



Sirni namaz



Labne



Voćni jogurt



Sir



Čokoladno mlijeko



Maslac

O KOMPANIJI:

Mliječna industrija 99 d.o.o. osnovana je 2015. godine akvizicijom strateškog udjela od Zott International GmbH iz Njemačke. Osnovna djelatnost naše kompanije je prerada i prodaja mlijeka i mliječnih proizvoda. Kompanija je smještena je u Gradačcu, sjeveroistočnom dijelu Bosne i Hercegovine, sa strateškim položajem u blizini državne granice s Republikom Hrvatskom i sa odgovarajućim cestovnim vezama. Tenutno zapošljava 95 mlađih i energičnih zaposlenika, od kojih je 15 visokoobrazovanih, uz kontinuirani rast broja zaposlenih. Pored toga, preko 1500

Godina osnivanja:

2015.

Broj zaposlenih:

99

Izvoz:

EU, Srbija, Albanija, Makedonija, Crna Gora, Kuvajt, UAE

zadovoljnih poljoprivrednika dolazi kao rezultat ozbiljnog i sistematskog rada i pristupa procesu otkupa sirovog mlijeka. Kompanija je ponosni vlasnik nekoliko certifikata o kvaliteti i kontroli upravljanja, sljedivosti proizvodnje, kontroli kvaliteta i Halal certifikata. Kao rezultat gore navedenih certifikata, kompanija je ponosni vlasnik dozvole za izvoz svojih proizvoda u zemlje Evropske unije. Ova licenca dokazuje da su proizvodi i proizvodni postupak kompanije u skladu sa strogim propisima Evropske unije. Menadžment kompanije pridaje veliku važnost kvalitetu proizvodnje. Kao rezultat toga, kompanija je ponosna što ima najsavremenije maštine koje primjenjuju najnovija dostignuća u oblasti mliječnih tehnologija. Primjenom standarda „kompletne sterilne okoline“, standarda po kojem se mlijeko prerađuje i puni u cjelovitom sterilnom i kontroliranom okruženju, kompanija je u mogućnosti da potrošačima ponudi najduži vijek trajanja svojih proizvoda, uz zadržavanje vrhunskog kvaliteta proizvoda marke „Natura“ i „Milkland“.





Mlijekoprodukt d.o.o.

Kozarska Dubica

Certifikati:

ISO 9001:2008, HACCP, ISO 14001:2004,
OHSAS 18001, IFS

Kontakt podaci
kompanije (osoba):

Vlado Sandić

Telefon:

+387 66 119 798, +387 52 448 244

Adresa:

Vrioci bb., 79240 Kozarska Dubica


E-mail:

info@mlijekopordukt.com

Web:

www.mlijekoprodukt.com

Proizvodi



UHT mlijeko



Mileram



Vrhnje za
kuhanje



Mlečni
namazi



Čokoladno
mlijeko



Vajkrem

O KOMPANIJI

Kompanija Mlijekoprodukt d.o.o. osnovana je 1996. godine u Kozarskoj Dubici kao mala lokalna mljekara. 2005. godine u kompletan proces poslovanja uvedeni su sistemi upravljanja kvalitetom ISO 9001:2008 i HACCP sistem. 2008. godine Mlijekoprodukt ulazi u sastav Imlek grupe. 2011. godine uveden je IFS (International Food Standard) kao jedan od najviših svjetskih standarda za obezbjeđenje kvaliteta i osiguranje bezbjednosti hrane. 2012. godine potpisana je ugovor o akviziciji mliječnog portfolija Natura Vita iz Teslića a brand Natura Milk je uvršten zajedno sa postojećim brendovima kompanije. U 2014. godini uveden je HALAL standard. Tokom 2015. godine uvedeni su i standardi ISO 14001:2004 - sistem upravljanja zaštitom životne sredine i OHSAS 18001 - sistem za zaštitu na radu.

Godina osnivanja:

1996.

Broj zaposlenih:

371

Izvoz:

**EU, Crna Gora, Srbija,
Kosovo, Albanija**



Danas je Mlijekoprodukt najveća mljekara u Bosni i Hercegovini čija je misija proizvodnja kvalitetnih, ukusnih i zdravih mliječnih proizvoda u skladu sa najvišim svjetskim standardima. Kompanija sarađuje sa više od 1500 velikih i malih porodičnih farmi širom Bosne i Hercegovine, s kojih svakodnevno sakuplja oko 200 000 litara svježeg domaćeg mlijeka vrhunskog kvaliteta. Ciljevi mljekare su pružanje zdravih, ukusnih i hranljivih proizvoda potrošačima kako bi se stekao nivo svesti o potrebi zdrave i uravnotežene prehrane i razvijanje u kompaniju koja ima jake i prepoznatljive regionalne brendove.



Mljekara Livno d.o.o.

Livno

Certifikati:

ISO90012015, HACCP, IFS, HALAL

Kontakt podaci
kompanije (osoba):

Zdravko Markov

Telefon:

+387 63 286 002

Adresa:

Splitska 3, 80101 Livno


E-Mail:

info@mljekaralivno.com

Web:

www.mljekara-livno.ba

Proizvodi



Livanjski sir



Livanjski
dimljeni sir



Trapist sir



Livanjski sir s
mješavinom papra

O KOMPANIJI:

Mljekara Livno osnovana je 1970. godine. Poznata po svom livanjskom siru, mljekara je najveći proizvođač sira u Bosni i Hercegovini. Imala oko 500 zadruga i zapošljava 45 zaposlenih. Godišnje otkupi oko 10 miliona litara mlijeka i proizvede preko 1000 tona sira. Zahvaljujući višedecenijskom radu i stalnom usavršavanju, livanjski sir postao je nadaleko poznata robna marka koja se izvozi u Europsku uniju i u sve zemlje regije. Na domaćem tržištu proizvodi Mljekare Livno su prisutni u svim značajnim trgovinskim lancima i dostupni su kupcima širom Bosne i Hercegovine.

Godina osnivanja:


1970.

Broj zaposlenih:

44

Izvoz:

EU, Hrvatska, Crna Gora, Srbija, Sjeverna Makedonija





Mljkara Padjeni d.o.o.

Bileća

Certifikati:

ISO 9001, HACCP

Kontakt podaci
kompanije (osoba):

Goran Vukoje

Telefon:

+387 59 490 777, +387 65 787 577

Adresa:

Plana bb., 89230 Bileća

E-Mail:

mljkara@padjeni.com

Web:

www.padjeni.com

Proizvodi



Sir iz mješine



Mliječni namaz



Pavlaka



**Svježi meki
sir**



Kiselo mlijeko



**Svježi tvrdi
sir**



Kačkavalj



Torotan



Mlijeko



Jogurt

O KOMPANIJI

Mljekara PAĐENI d.o.o. je osnovana 1999. godine i početni kapacitet je iznosi skromnih 130 litara na dan. Danas je to savremno opremljen pogon koji ima dnevni kapacitet prerade od 100.000 litara svježeg mlijeka, koje se otkupljuje od oko 950 kooperanata sa područja 16 opština u Hercegovini, Romaniji i Podrinju. Prateći trendove razvoja Mljekare PAĐENI d.o.o. stalno osavremenjuje proizvodne linije i razvojem novih proizvoda nastoji zadovoljiti potrebe potrošača. U cilju osiguranja kvaliteta proizvoda, konstantno se kontroliše kvaliteta osnovne sirovine, prati se tok cijelog tehnološkog postupka, te provodi organoleptička, hemijska i mikrobiološka provjera svih gotovih proizvoda. Pratimo svjetske trendove tako da smo kvalitet i ozbiljnost poslovanja iskazali i kroz implementaciju međunarodnih standarda: 2008. godine smo izvršili certifikaciju



HACCP-a od Austrijske firme Quality Austria, Vienna a 2011. smo izvršili recertifikaciju HACCP-a i certifikaciju ISO 9001 standarda od Austrijske firme Quality Austria, Vienna.

Godina osnivanja:

1999.

Broj zaposlenih:

150

Izvoz:

Crna Gora, Srbija, Hrvatska, Švedska

Nalazimo se u prirodnom okruženju, okruženi nezagađenom prirodom, na brdsko-planinskom području nadmorske visine od oko 650 m. Sirovo mlijeko preradeno u mljekari je proizvedeno velikim dijelom ispašom stoke na pašnjecima hercegovačkog krša, gdje ima dosta ljekovitog bilja te na romanjsko - podrinjskom platou, a zimi sa hranom proizvedenom sa istog terena. Od 2016. godine imamo dozvolu za izvoz naših proizvoda u zemlje Evropske Unije





Mljekara Smajić d.o.o. Čelić

Certifikati:

HACCP, ISO 9001:2008

Kontakt podaci
kompanije (osoba):

Maida Smajić

Telefon:

+387 35 662 200

Adresa:

Arapovac bb., 75246 Čelić


E-mail:

maida.s@mljekarasmajic.ba

Web:

www.mljekarasmajic.ba

Proizvodi



Pasterizovano
mlijeko



Mlačenica



Pavlaka



Sirutka



Jogurt



Mliječni
namazi



Sir



O KOMPANIJI

Društvo „MLJEKARA SMAJIĆ“ d.o.o. je osnovano 1997. godine sa sjedištem u Čeliću. Osnovna djelatnost mljekare je proizvodnja pasterizovanog mlijeka, mliječnih proizvoda i sira. Mljekara Smajić je među 20 najvećih mljekara/prerađivača mlijeka u BiH i na tržištu ima udio od 1,27%. Društvo prerađuje trenutno 10.000 litara sirovog mlijeka dnevno, dok su instalirani kapaciteti 25.000 litara dnevno. Od 2008. godine Društvo je implementiralo standarde HACCP i ISO 9001:2008, a zadnja recertifikacija je obavljena februaru 2020. godine od strane Bureau Veritas d.o.o. Rijeka, Hrvatska. Za svoje proizvode garantujemo kvalitet i potpuno prirodan sadržaj mlijeka sa ekološko zdravih predjela obranaka Majevice.

Godina osnivanja:

1997.

Broj zaposlenih:

32



U svom proizvodnom programu ima blizu 40 različitih proizvoda (pasteurizovano mlijeko, pavlaka, jogurt, ajran, mlačenica, sirutka, mliječni namazi, sir i ostalo). Proizvode prodaje na tržištu cijele BiH od kojih su najveći kupci: Bingo, Merkator, Konzum, Marketi dd Sarajevo, Hoše Komerc i ostali.





Poljorad d.o.o.

Travnik

Certifikati:

HACCP, IFS, Halal, ISO 14001

Kontakt podaci
kompanije (osoba):

Asim Skrobo

Telefon:

+387 30 530 360, +387 61 950 805

Adresa:

Bosanska bb., 72283 Turbe - Travnik

E-Mail:

poljorad@bih.net.ba

Web:

www.poljorad.ba

Proizvodi



Travnički sir
(meki od kravljeg mlijeka)



**Vlašićki krem
sir**



Livadski sir
(tip kačkavalj)



Kajmak



Paprika u kajmaku



Dimljeni sir

O KOMPANIJI

U srcu Srednje Bosne na 600 metara nadmorske visine odvija se proizvodna aktivnost naše kompanije, u mjestu Turbe, općina Travnik. Osnovna djelatnost našeg preduzeća jeste proizvodnja raznih vrsta sireva, maslaca, kajmaka i sirnih namaza, kao i kiselog kupusa. Kompanija postoji od 1991.godine kao mala porodična firma za otkup sireva i preprodaju, a vlasitom proizvodnjom se bavimo od 1996.godine sa konstantnim rastom. Za potrebe proizvodnje vršimo otkup svježeg mlijeka i svježeg kupusa od lokalnih farmera (oko 1200) sa pet opština Srednjobosanskog kantona. Trenutna prerada je oko 20 tona mlijeka dnevno, sa tendencijom širenja nakon preseljenja u novi proizvodni pogon, koji je u finalnoj fazi.. Naša kompanija je najveći otkupljivač mlijeka sa područja Srednjobosanskog kantona, te redovnim plaćanjem i najboljim uslovima otkupa čini bitan uslov za stabilnosti i održivosti poljoprivredne djelatnosti u Kantonu. Kompanija trenutno zapošljava 56 radnika, sa tendencijom rasta, od čega je 41 radnik direktno vezan za proizvodnju, a 15 je uposleno u administraciji, maloprodaji i ugostiteljstvu.

U 2016. godini dobila smo dozvolu za izvoz proizvoda u zemlje EU od strane komisije koja je izvršila kontrolu u našoj firmi i time potvrdila da ispunjavamo EU standarde proizvodnje. Trenutno izvozimo naše proizvode u 11 zemalja: Hrvatska, Slovenija, Austrija, Švedska, Njemačka, Švicarska, Francuska, Hrvatska, Slovenija, Jordan



Osnovni proizvodi koje naša kompanija proizvodi od početka otkupa mlijeka su sirevi i sirni namazi, a način njihove proizvodnje nije se puno mijenjao, iako je prilagođen komercijalnoj prodaji. Svi naši proizvodi su pravljeni od prirodnih sastojaka, najkvalitetnijeg planinskog mlijeka, bez emulgatora, boja i konzervansa.

Godina osnivanja:

1991.

Broj zaposlenih:

53

Izvoz:

**Austrija, USA, Švedska,
Njemačka, Švicarska,
Francuska, Hrvatska,
Slovenija, Jordan**





FOREIGN TRADE CHAMBER OF
BOSNIA AND HERZEGOVINA
ISTANBUL OFFICE



Bosna i Hercegovina

